



Begarako
Udala

BERGARAKO UDALA ETA AGORROSIN GURASO ELKARTEAREN ARTEKO HITZARMENA

Bergaran, 2021eko uztailaren 13an

BILDU DIRA

Alde batetik, Gorka Artola Alberdi jauna, Bergarako Alkatea, Bergarako Udalaren ordezkartzan.

NAN duen Naiara Castro Castuera andrea, Agorrosin Guraso Elkarteak lehendakaria, guraso elkartearen ordezkartzan.

Azken honek zinpean Alkatearen aurrean aitortu ondoren beraiek eta beraiek ordezkartzen dituzten erakundeak ez daudela 38/2003 Legeko 13.artikuluko 2 eta 3 idatz zatietan aurreikusitako debeku kasuetan, dirulaguntzak jasotzeko elkarri hitzarmen hau sinatzeko ahalmena aitortu eta

ADIERAZI DUTE

1. Agorrosin Guraso Elkarteak irabazteko asmorik gabeko elkarteak dela..
2. Osintxuko eskola zabalik izatea ezinbestekoa dela, eta eskola zabalik egoteko bertako zerbitzuak hobetu beharra dagoela. Gauzak horrela, Guraso Elkarteak zaintza zerbitzua ematea erabaki duela eta horretarako dirulaguntza eskatu diola Udalari.
3. Udalak 2021eko ekainaren 28ko Udalbatzaren bileran erabaki duela dirulaguntza ematea eta bi aldeek betebeharrak hitzarmen batean jasotzea.

Hori dela eta, ondorengo klausulak dituen hitzarmena hitzartu dute

KLAUSULAK

LEHENENGOA: San Martin ikastetxeko Agorrosin Guraso Elkarteak Osintxuko eskolan zaintza zerbitzua antolatu eta kudeatzeko konpromisoa hartzen du 2021/2022 ikasturtean eta hurrengo beste bi ikasturteetan. Zerbitzu hori Osintxun bizi eta bertako ikastetxean eskolaratutako haurrentzako izango da.

Zaintza zerbitzua eguerdian emango da eskolako lanegun guztietan astelehenetik ostiralera. Horretarako Agorrosin Guraso Elkarteak beharrezkoak diren arduradunak kontratatuko ditu (berak zuzenean edo Baikara-ren bitartez). Dena den, era batera edo bestera eginda, erantzukizuna Agorrosin Guraso Elkartearena izango da.



Bergarako
Udala

BIGARRENA: Agorrosin Guraso Elkarteak ondorengoak ere betetzeko konpromisoa hartzen

2022/2023 ikasturteik aurrera, ikasturtearen hasierako urteko urriaren 31 baino lehen, Udaleko Erregistro Orokorrean, ondorengo dokumentazioa aurkeztea:

Zaintza zerbitzurako dirulaguntza eskaera sinatuta eta adierazita, besteak beste, eskatzen den dirulaguntza, elkartearen datu fiskalak, sinatzailearen datu fiskalak eta ordainketarako erabiliko den kontu korrante zenbakia.

-Ikasturteko zaintza zerbitzuaren aurrekontua.

2. Ikasturtea bukatutakoan, irailaren 30a baino lehen, zaintza zerbitzuaren memoria ekonomikoa aurkeztea; zehazki ondorengoak aurkeztuko ditu:

-Zaintza zerbitzuak ikasturtean izandako diru sarrera eta gastuen zerrenda.

-Udalak emandako dirulaguntzaren zenbatekoa justifikatzeko faktura original edo konpultsatuak.

-Eskatu eta jasotako dirulaguntzen agiriak eta jaso ez bada zinpeko aitortpena.

3. Ekintzaren gaineko zabalkunde-oharretan Bergarako Udalaren laguntza jaso izana adieraztea.

4. Bergarako Udalaren aurrean ziurtatzea baldintza guztiak betetzen direla, hala nola, dirulaguntza jasotzen duen zerbitzuaren jardura eta helburua betetzen direla.

5. Udalak egingo dituen ikuskapenak ez oztopatzea.

6. Bergarako Udala jakinaren gainean jartzea baldin eta Udalak diruz laguntzen duen jarduerarentzat beste dirulaguntzarik lortuz gero.

7. Gutxienez lau urtez gordetzea jasotako diruari eman zaion erabilera agertzen duten agiri originalak.

HIRUGARRENA: Bergarako Udalak zerbitzu hori emateko 2021/22 ikasturterako 2.250 €-ko dirulaguntza emango dio Agorrosin Guraso Elkarteari; ondorengo ikasturte bietan berriz, hau da 2022/2023 eta 2023/2024 ikasturteetan, dirulaguntza izango da gastuen %25aren parekoa eta gehienez 2.250 € ikasturte bakoitzeko.

LAUGARRENA: Ordainketa bigarren klausulako 2. puntuan jasotako dokumentazioa aurkeztu, eta elkartearen betebeharrak fiskaletan eta Gizarte Segurantzakoetan egunean dagoela egiaztatu ondoren (udalak ofizioz egiaztatuko du), alkatearen dekretuz ordainketa egitea erabaki ondoren ordainduko da.

BOSGARRENA: Udalak emango duen dirulaguntzaz gain helburu bera duen beste edozein dirulaguntza ere jaso daiteke.

Hala eta guztiz ere, dirulaguntzak (Udalarenak berak edo beste batzuenak batuta) eta/edo bestelako sarrerak batuta ezingo du inola ere altuagoa izan diruz laguntzen den jardueraren kostua baino.

SEIGARRENA: Dirulaguntza emateko kontuan hartu diren baldintzetakoren bat aldatuko balitz, edo Udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.



Begarako
Udala

ZAZPIGARRENA: Dirulaguntza berrikusi egingo da eta, egoki bada, kendu, baldin eta hauetakoren bat gertatzen bada:

- a) Dirulaguntza bete beharreko baldintzak bete gabe jasotzea.
- b) Dirulaguntza erabiltzea lortu beharreko helburua ez den beste helburu baterako.

Edozein arrazoiengatik, dirulaguntza (osoa edo zati bat) itzuli beharra balego, diru kopuru hori zuzenbide publikoko sarreratzat hartuko da.

ZORTZIGARRENA: Hitzarmen honetan aurreikusita ez dagoen guztian, dirulaguntzak arautzen dituen 38/2003 Estatuko Legea, azaroaren 17koa, eta lege hori garatzen duen gainontzeko legedia aplikatuko da.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, goian aipatutako toki eta egunean bi aldeek bikoiztuta sinatzen dute.

Begarako Alkatea



Gorka Artola Alberdi

Agorrosin Guraso Elkarteko
lehendakaria



Naiara Castro Castuera

